



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱՇՈՑՔ ՀԱՄԱՅՆՔԻ ՂԵԿԱՎԱՐ

Հասցե՝ 2801, Հայաստանի Հանրապետություն Շիրակի մարզ
Աշոցք համայնք, գ Աշոցք, Հրապարակ 1,
հեռախոս՝ (0245) 2-14-82,
էլ. փոստ՝ ashotsq.shirak@mta.gov.am

Ո Ր Ո Շ ՈՒ Մ

19 հոկտեմբերի 2020 թվականի N 132-Ա

«ԱՐՄ-ՀԵԼԻԱ ԴՅՈՒԹԻ ՖՐԻ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆԸ ԿԱՌՈՒՑԱՊԱՏՄԱՆ ԻՐԱՎՈՒՆՔՈՎ ՀՈՂԱՄԱՍ ՕԳՏԱԳՈՐԾՄԱՆ ՏՐԱՄԱԴՐԵԼՈՒ ՄԱՍԻՆ

Ղեկավարվելով <<Տեղական ինքնակառավարման մասին>> Հայաստանի Հանրապետության օրենքի 35-րդ հոդվածի 1-ին մասի 16-րդ կետով, Հայաստանի Հանրապետության հողային օրենսգրքի 76-րդ հոդվածի 3-րդ մասով, Հայաստանի Հանրապետության Շիրակի մարզի Աշոցք համայնքի ավագանու 2020 թվականի սեպտեմբերի 11-ի N 41-Ա որոշմամբ և հիմք ընդունելով աճուրդներ և մրցույթներ կազմակերպող ու անցկացնող Աշոցքի համայնքային հանձնաժողովի 2020 թվականի հոկտեմբերի 16-ի N 6 արձանագրությունը, **որոշում եմ**.

1. «ԱՐՄ-ՀԵԼԻԱ ԴՅՈՒԹԻ ՖՐԻ» սահմանափակ պատասխանատվությամբ ընկերությանը կառուցապատման իրավունքով, քառասուն տարի ժամկետով, տարեկան 600000 (վեց հարյուր հազար) Հայաստանի Հանրապետության դրամ վարձավճարով, Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության Բավրայի մաքսային կետ-բաժնի տարածքում անմաքս առևտրի խանութ կառուցելու նպատակով, օգտագործման տրամադրել Հայաստանի Հանրապետություն, Շիրակի մարզ, Աշոցք համայնք, գյուղ Բավրա, Գյումրի-Նինոծմինդա մայրուղի 63/5 հասցեում գտնվող Հայաստանի Հանրապետության սեփականություն հանդիսացող, 08-0126-0119-0026 կադաստրային ծածկագրով, 0.05653 հեկտար մակերեսով հատուկ նշանակության հողամասը (վկայական N 01092020-08-0018):

2. Պարտավորեցնել «ԱՐՄ-ՀԵԼԻԱ ԴՅՈՒԹԻ ՖՐԻ» սահմանափակ պատասխանատվությամբ ընկերությանը (տնօրեն՝ Ս. Հակոբյան)՝ Աշոցքի համայնքապետարանի հետ կնքել սույն որոշման 1-ին կետում նշված հողամասի կառուցապատման իրավունքի պայմանագիր և դրանից բխող իրավունքները օրենքով սահմանված կարգով ներկայացնել պետական գրանցման:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱՇՈՑՔ
ՀԱՄԱՅՆՔԻ ՂԵԿԱՎԱՐ՝ Կ. ՄԱՆՈՒԿՅԱՆ

2020 թվականի հոկտեմբերի 19
գյուղ Աշոցք





ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱՇՈՑՔ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Շիրակի մարզի Աշոցք համայնք,
հասցե՝ 2801, գ. Աշոցք, Հրապարակ 1,
հեռախոս՝ (0245)2-10-50, 2-14-82,
էլ. փոստ՝ ashotsq.shirak@mta.gov.am

Ո Ր Ո Շ ՈՒ Մ

27 հոկտեմբերի 2020 թվականի N 133-Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱՇՈՑՔ ՀԱՄԱՅՆՔԻ 2020 ԹՎԱԿԱՆԻ ԲՅՈՒՋԵԻ ՀՈԴՎԱԾՆԵՐՈՒՄ ՎԵՐԱԲԱՇԽՈՒՄՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 38-րդ հոդվածի 1-ին մասի 7-րդ կետի, «Հայաստանի Հանրապետության բյուջետային համակարգի մասին» Հայաստանի Հանրապետության օրենքի 33-րդ հոդվածի 3-րդ մասի դրույթներով և հիմք ընդունելով Հայաստանի Հանրապետության Շիրակի մարզի Աշոցք համայնքի ավագանու 2019 թվականի դեկտեմբերի 13-ի «Հայաստանի Հանրապետության Շիրակի մարզի Աշոցք համայնքի 2020 թվականի բյուջեն հաստատելու մասին» թիվ 69-Ն որոշման 2-րդ մասը, **որոշում եմ.**

Հայաստանի Հանրապետության Շիրակի մարզի Աշոցք համայնքի 2020 թվականի բյուջեի հոդվածներում կատարել հետևյալ վերաբաշխումները.

1. Ծախսային մաս, ըստ գործառնական և տնտեսագիտական դասակարգման՝

1) բաժին 1, խումբ 3, դաս 3, հոդված 4232՝ «1100.0» թիվը փոխարինել «1065.0» թվով,

2) բաժին 1, խումբ 3, դաս 3, հոդված 4234՝ «150.0» թիվը փոխարինել «185.0» թվով:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱՇՈՑՔ ՀԱՄԱՅՆՔԻ ՂԵԿԱՎԱՐ Կ. ՄԱՆՈՒԿՅԱՆ

2020 թվականի հոկտեմբերի 27
գյուղ Աշոցք

